

ondjipamagatini ij o8iiasite ; mi ke ondji inenindagosite inini kitoi naganâte 'osan gaie o kin, kitoi Sitapimâte o Sitikemaganaan ; kata pejik8anini ij o8iiasisato.

Meg8ato pematissite ondaje aking tebeniminang Jezos, o ki tipatotan kariat ka ikitogobanen nitam anicinabe iki Sabamâte o Sitikemaganaan. Mi ekitote Jezos : ka8in a8ia anicinabe pikobitosi8ite ka iji pejik8enindang Kije Manito. Mi 8endji ikitogobanen Jezos, kitoi kikenindag8ak kitoi apitci sakihiti8ato 8atikendidjik, kitoi eka keko gackitomagak kitci pikobita8ind8a 8atikendidjik o sakihiti8ini8a ; kitoi gaie kikenindag8ak epite manatatinik a8ia kitci 8itoka8enindang 8atikendidjik kitci pake8initi8ato.

IV. *Adanh ot an8eta8an Kije Maniton.*

Meg8ato oeki pinatissi8ining enatissi8ato Adanh gaie Eba, kakina enicinabe8iang ka mama8i aianikate pininotonang8a endas8aiakisiang, Matci Manito acaie 8in nitam ka patamitonnenindamogobanen, o teisa8akenima anicinabè ke mino mina8asinidji ; mi dac enenindang Matci Manito : ningat a8i 8i gackihak kitci eka tipahigana8ato Kije Maniton ; kitci ani animissinite o nidjanissini ot inenimà. Ot